

Ka'nikonhraientáston oh ní:tsi taionnitiohkwakén:ni kakorashera'kówahnéha



X
C'est notre vote

la'skwáhtho elections.ca ne sénha aesató:kenhse ne teionnitiohkwakénnies
aorihwà:ke táhnon kaianerenhserá:ien ne ata'karitéshera aorihwà:ke

1-800-463-6868 / elections.ca / TTY 1-800-361-8935

Iakwahentéhtha ne sata'karitéshera táhnon


Tsi tesanitionkwakenniehtáhkwa, rotiioténion enhonátstonke ne iontkonhsóhrókstha. Ne ò:ni eh enkaién:take:



Tsi nón:we ionhtsihare'táhkwa



Kaieronnítston tsi na'tehóntere aionaktó:ten



Nek ne tsieià:ta iakoiótens ne sewatekwahra'tsherátshon ohná:ken ne ionhehtahní:ron wahsónhtote.


Nó:nen tahsanitionkwakenniónha, tóhsa sasa'nikónhrhen:



Satkonhsò:rok



Entkwá:ion ne énska nenwáteratste enwátstonke iehiatónhkwa ahsieronnítstahkwe ne sahiatónhsera, tóka'ni enwá:ton aontáhshawe sá:wen se' iehiatónhkwa



Arà:ne tewata'tsherá:ke naionaktó:take tsi na'tesewaterénion ne tehonnitionkwakenniónhe táhnon ne rotiioténion.

Tóka' iesarihwatshenrià:se tóka'ni sattó:ken tsi COVID-19 sanonhwaktanihen, tóka'ni tóka' ákta iéhse'skwe tsi nón:we ónhka'k iakononhwáktani ò:ni ié:ien'skwe, ia'skwáhtho ne elections.ca ne ahsatatshennínion'te ahshiatonhserániehte tahsanitionkwakén:ni.

Thia'tewahronkhahtsherá:ke kawennakarató:ton ne kí:ken kahiatónshera **elections.ca** nón:we. Ne ó:ia ní:ioht nakahiatonhsero'ténhake, kwah né:ne braille'néha, kahiatonhkowá:nens táhnon DAISY, takwaronwáro'okhs **1-800-463-6868** tóka'ni **1-800-361-8935 (TTY)**.

Orihwí:io són:ni tsi satatshennínion'te aesaién:ta'ne ne

Carte d'information de l'électeur / **Voter Information Card**

Élection fédérale / **Federal Election**

Pour voter, vous devez :

- être citoyen canadien
- avoir au moins 18 ans le jour de l'élection
- prouver votre identité et votre adresse

Visitez **elections.ca** pour connaître les pièces d'identité acceptées.

Apportez cette carte et vos pièces d'identité pour faciliter le vote.

C'est notre vote

To vote, you must:

- be a Canadian citizen
- be at least 18 years old on election day
- prove your identity and address

Visit **elections.ca** to know what ID is accepted.

Bring this card with you, along with ID, to make the voting process easier.

It's Our Vote

À l'électeur :
DOE, JOHN
123, RUE MAIN
ANYTOWN ON K1A5T7

To the Elector :
DOE, JOHN
123 MAIN STREET
ANYTOWN ON K1A5T7

39012 0000 96

elections.ca

Tóka' satatshennénion'te, e'thóhtsi aesaién:ta'ne ne teionnitiohkwakénnies iako'nikonhraientáhstha kahiatónhsera iotohétston enkarihowanáhton tsi enwaterihwahténtia'te ne tehonnitiohkwakénnies. Sahró:ri tsi nón:we táhnon kátke tahsanitiohkwakén:ni. Tahsiatonhserénhaw, tekeni:neren ne iontatienterè:tstha kahiatónhsera, ne entkarihónnia'te sénha enwatiesénhake tahsanitiohkwakén:ni.

Tóka' iah tesahiatonhseraientá:'on, tóka'ni iah tetkaié:ri nahò:ten kahiá:ton, ta'nón:wa iah tesatshennénion'te tóka'ni iah á:se teskakwatákwen ne sarihwa'shón:'a tsi tehsanitiohkwakénnies. Iá'skwátho ne **elections.ca** ne ahsatshennénion'te tóka'ni á:se ensehskwatá:ko tsi nisatenonhsathiá:ton, tóka'ni takwaronwáro'okhs **1-800-463-6868** tóka'ni **1-800-361-8935 (TTY)** ne aiesaiá'takéhnha. Enwá:ton ò:ni ahsatshennénion'te tóka'ni á:se ensehskwatá:ko ne sarihwa'shón:'a ne ó:nen tahsanitiohkwakénnionha.

Naón:ton iahsatshennénion'te tánon tahsanitiohkwakén:ni kí:ken kakorashera'kowahnéha teionnitiohkwakénnies, entà:'on:

- Korahró:non nenhsia'to'ténhake
- Aró:nen 18 nentisaién:take nó:nen teionnitiohkwakénnies ienwatenhniseríhewe
- Enhstó:kenste ónhka ní:se tánon tsi nisatenonshathiá:ton

Oh Ní:tsi Enwá:ton Taionnitiohkwakén:ni

Thóha thikawenní:io kátke enwá:ton tahsanitiohkwakén:ni nó:nen teionnitiohkwakénnies katátie.

Será:ko énska tsi nahò:ten naonhà:'a entisatié:sen'se.

1 Iontatitskótha Wenhiserá:te

12 nenkahwistá:'eke nikari:wes enwatehnhotónkwenke tsi tesanitiohkwakenniehtáhkwa (tewatténies tioianénha tsi nón:we tehsi:teron).

Sátken's sá:wen
teionnitiohkwakénnies
iako'nikonhraientáhstha
kahiatónhsera
aesató:kenhse tsi nón:we
táhnnon kátke enwá:ton
tahsanitiohkwakén:ni.

2 Iosnore'kéha Teionnitiohkwakénnies Wenhiserá:te

9 niiohwistá:'a ohrhon'kè:ne tsi niió:re 9 niiohwistá:'e o'karahsnéha enkahnhotonkwénhake Wískhaton, lahià:khaton, Tsatáhkhaton, tánon Tiotierénhton niwenhiserò:tens skaiahià:ksera ohén:ton teionnitiohkwakénnies enkatátie.

3 Tewathiatonsherarenì:ton Aorihwà:ke

Satats Hennínion't ohén:ton tsi niió:re ne Tekenihatòn:ke ohén:ton ne teionnitiohkwakennià:tha wenhiserá:te, 6:00 p.m. Énhsatste ne "special ballot process" tahsanitiohkwakén:ni. Orihwí:io són:ni tsi enionkwaientá:on ne sahiatónhsera ohén:ton **teionnitiohkwakennià:tha wenhiserá:te**, káton iah thaonhsè:tonke. Ia'skwátho ne **elections.ca** aesató:kenhse katkéhshon tká:kon akáhson táhnnon ahserihwatshén:ri tóka' tkaié:ri ahserá:ko ahshiatonhserániehte tahsanitiohkwakén:ni.

4 Thikawenní:io Election Canada tsi iehiatónhkwa nón:we Korahnéshon

Iahá:seht othé:non Teionnitiohkwakénnies Koráhne tsi iehiatónhkwa ohwentsiakwé:kon ne Koráhne ohén:ton tsi niió:re ne Tekenihatòn:ke ohén:ton ne teionnitiohkwakennià:tha wenhiserá:te, 6:00 p.m. Énhsatste ne "special ballot process" tahsanitiohkwakén:ni. Iotohétston karihowanáhton tsi tehonnitiohkwakenniónhe, ia'skwátho **elections.ca** tóka'ni takwaronwáro'okhs ahsetshén:ri tsi iehiatónhkwa ne Teionnitiohkwakénnies Koráhne ákta tsi níhse's.

Nó:nen wahsatats Hennínion'te ahshiatonhserániehte tahsanitiohkwakén:ni tóka'ni tsi iehiatónhkwa ne Teionnitiohkwakénnies Koráhne, né:'e **ok** ní:ioht enwá:ton tahsanitiohkwakén:ni kí:ken tsi tehonnitiohkwakénnies.

Shá:wak sá:wen iontatienterétstha kahiatónhsera

Áshen nisarakwahtsherá:ien ne akarihwahní:rate ónhka ní:se tánon tsi nisatenonshathiá:ton.

Ne tahsanitiohkwakén:ni, tká:konte Korahró:non nahsia'to'ténhake táhnon arà:ne 18 na'tesohserià:kon ne teionnitiohkwakennià:tha wenhniserá:te.

Tiotierénhton



Énska ne kí:ken watienterestákhwa kahiatónshera sotáshi

- konwatoriéstha kahiatónshera
- thé:nen ó:ia kahiatonshera'shòn:'a néne Koráhne kakoráshera (federal, provincial/territorial tóka'ni local) iohiatonsherahnirá:ton skátne tsà:tare, tshén:nare, tánon tsi nisatenonshathiá:ton

tóka'ni

Tekeníhaton



+



Teiori:wake watienterestákhwa kahiatónshera sotáshi

Tetsá:ron entà:'on entshén:narake tánon énska entà:'on tsi nisatenonshathiá:ton enkahiatónhake.

Karihwaráhston:

- teionnitiohkwakenniè:tha aorihwà:ke kahiatónshera tánon tsi iehwistaientákhwa kahiatónshera
- onkwe'ta'kéha iontstha'shòn:'a ioká:rote tánon iontweienstákhwa kahiatónshera

Iah ken thé:nen tesá:ien ne kí:ken? Iah thé:nen tekari:wa!

Enwá:ton ó:ia iontatienterè:tstha kahiatónhsera á:iontste.

Sátken's akwé:kon tsi niká:ien enkakwé:ni kèn:tho elections.ca

tóka'ni

Ashénhaton



+



Tóka' iah thé:nen tesahiatonsherá:ien

Shé:kon enwá:ton tahsanitiohkwakén:ni tóka'enhshiá:ton tsi entehserihwahní:rate ónhka ní:se tánon tsi nisatenonshathiá:ton tánon enwá:ton entiesaswanòn:na ónhka iesaienté:ri tánon ónhka ie'nikòn:rare tsi tetehsanitiohkwakenniè:tha.

Tká:konte orihwí:io aiakón:ni ónhka né:'e táhnon tsi nón:we iè:teron ne iontaterihwahnirátstha. Ne ok ne tsionkwè:ta enwá:ton aiontaterihwahní:ratshe ne tsieià:ta (iah ne tsi nón:we kari:wes shakoti'terontákhwa).

Iontatia'takéhna's taionnitiohkwakén:ni



Akwé:kon tehonnitiohkwakénnies thonwaná:wi ne tsi nón:we tehonnitiohkwakenniehtáhkwa. Itohetston karihowanáhton tsi tehonnitiohkwakenniónhe, orihwí:io són:ni tsi tehsanitiohkwakenniehtáhkwa enkakwé:ni iahsatáweia'te. Ne ahserihwatshén:ri to niwatié:sen naiontáweia'te:

- sátken's sahiatónshera teionnitiohkwakenniè:tha
- Ia'skwátho **elections.ca** táhnon shiá:ton sá:wen postal code tsi nón:we kahiá:ton ne Voter Information Service o'neróhkwa tóka'ni
- tahskwatewennáta's **1-800-463-6868** tóka'ni **1-800-361-8935 (TTY)**

Tóka' othé:nen tesa'nikòn:rhare tsi niwatié:sen naiontáweia'te aorihwà:ke tsi tesanitiohkwakenniehtáhkwa, takwaronwáro'okhs **1-800-463-6868** tóka'ni **1-800-361-8935 (TTY)**.

Ne ahserihwanón:ton aiesaia'takéhna tahsanitiohkwakén:ni ne ohén:ton, tsi ní:ioht ne owén:na táhnon ionhtsia'nà:ke nikawennò:ten taiesawennaténiehse, ia'sheronwáro'okhs tsi iehiatónhkwa ne Teionnitiohkwakénnies Koráhne tsi tehsi:teron ohén:ton tsi nií:re Tekenihatòn:ke ohén:ton ne teionnitiohkwakennià:tha wenhniserá:te, 6:00 p.m.

Teionnitiohkwakénnies akoia'takehnháhtshera nó:nen tenionnitiohkwakén:ni



Sénha kowá:nen teionnitiohkwakenniè:th a kahiatónshera eh ieshennarátie ónhka ionnitskotà:ne



Owén:na táhnon ionhtsia'nà:ke aowén:na teiontatewennateniè:sé (táhnon ó:ia nikaia'takehnhá'tsherò:ten **tóka' ohén:ton aierihwanón:ton**)



Kahiatonhkwá:nens tánon ieiehiatonhkwaié:nas akohiatónshera karátie skátne ónhka ionnitskotà:ne



Aiesaia'takéhna ahsierón:nitste ne sahiatónshera (Tásene ónhka sheienté:ri tóka'ni sherihwanón:tonhs ne teionnitiohkwakénnies iakoió'te)



Ionekwarón:ton táhnon braille'néha taionnitiohkwakén:ni



Kowá:nen iehiatónhkwa (iah teiawe'towá:nen) Enwá:ton ò:ni aontahshiatonhkwénhawe né:ne sá:wen se'



Kakowanáhtha tsiowí:sonte (4x)



Iakoia'takéhna's aiontatshén:naren

Kawennò:ron: Braille'néha kahsennarónnion ne tehonnitiohkwakenniónhe ne ok enwá:ton teionnitiohkwakennià:tha wenhniserá:te aiakoién:ta'ne. Kahiatonhkwá:nen enwá:ton aiakoién:ta'ne ohén:ton wenhniseraténion táhnon ne teionnitiohkwakénnies wenhniserá:te.